


眞西山讀書記


卷五



四	〇	三	一	三	九	四	漢書門
冊	架	函	號	類			

九	四	三	漢書
〇	三	三	
架	冊	號	類

內閣文庫	
番號	漢 9423
冊數	40 ( 5 )
函號	299 11



西山先生真文忠公讀書記卷之五

元亨利貞



淺草文庫

三三易乾元亨利貞  
六畫者伏羲所畫之卦也一者奇也陽之數也乾者  
健也陽之性也本註乾字三畫卦之名也下者內卦  
也上者外卦也經文乾字六畫卦之名也伏羲仰觀  
俯察見陰陽有奇偶之數故畫一奇以象陽畫一偶  
以象陰見一陰一陽有各生一陰一陽之象故自下  
而上再倍而三以成八卦見陽之性健而其成形之  
大者為天故三奇之卦名之曰乾而擬之于天也三

畫已具八卦已成則又三倍其畫以成六畫而于八  
卦之上各加八卦以成六十四卦也此卦六畫皆奇  
上下皆乾則陽之純而健之至也故乾之名天之象  
皆不易焉元亨利貞文王所繫之辭以斷一卦之吉  
凶所謂彖辭者也元大也亨通也利宜也貞正而固  
也文王以爲乾道大通而至正故於筮得此卦而六  
爻皆不變者言其占體大通而必利在正固然後可  
三以保其終也。程子曰元者萬物之始亨者萬物之  
長利者萬物之遂貞者萬物之成唯乾坤有此四德  
象曰大哉乾元萬物資始乃統天

朱子曰此專以天道明乾義又折元亨利貞爲四德  
以發明之而此一節首釋元義也大哉歎辭元大也  
始也乾元天德之大始故萬物之生皆資之以爲始  
也又爲四德之首而貫乎天德之始終故曰統天其  
雲行雨施品物流形

此釋乾之亨也  
大明終始六位時成  
耕六龍以御天  
始卽元也終卽貞也不終則无始不貞則无以爲元  
也此言聖人大明乾道之終始則見卦之六位各以  
其時成而乘此六陽以行天道是乃聖人之元亨也

乾道變化各正性命保合太和乃利貞  
變者化之漸化者變之成物所受為性天所賦為命  
太和陰陽會合冲和之氣也各正者得于有生之初  
大保合者全于有生之後此言乾道變化無所不利而  
萬物各得其性命以自全以釋利貞之義也  
首出庶物萬國咸寧

聖人在上高出庶物猶乾道之變化也萬國各得其  
所而咸寧猶萬物之各正性命而保合太和也此言  
聖人之利貞也蓋嘗合而論之元者物之始生亨者  
物之暢茂利則向於實也貞則實之成也實之既成

則其根蒂脫落可復種而生矣此四德之所以循環  
而無端也然而四者之間生氣流行初無間斷此元  
之所以包四德而統天也其以聖人而言則孔子之  
意蓋以此卦為聖人得天位行天道而致太和之始  
也○問乾元統天者所以用形如何曰亦是  
但只說得乾健不息意在元字上六  
爻龍只是六爻龍只是譬喻此六爻之義潛見飛躍以  
時而動便是乘六龍便是御天乾道  
元亨各正性命它那元亨時雖正了然未成形質到  
這裏方成如百穀堅實了方喚做正性命○乾道

只如萬物當那變化發生之始此是元也各正性命  
物之生理截然各足不偏卽是亨矣能保合以全其  
太和之性則利貞之義也

文言曰元者善之長也亨者嘉之會也利者義之和也  
貞者事之幹也

元者生物之始天地之德莫先於此故於時爲春於  
人則爲仁而衆善之長也亨者生物之通物至於此  
莫不嘉美故於時爲夏於人則爲禮而衆善之會也  
利者生物之遂物各得宜不相妨害故於時爲秋於  
人則爲義而得其分之和貞者生物之成實理具備

隨在各足故於時爲冬於人則爲智而爲衆事之幹  
幹木之身而枝葉所依以立者也○問元者善之長  
曰元亨利貞皆善也而元乃爲四者之長是善端初  
發見處也○問亨者嘉之會曰嘉美也會是齊集底  
意思許多嘉美一時鬪湊到此故謂之嘉會○問程  
子曰物各得所爲利只是當然便安否曰然只萬物  
各得其分便是徇義截然不可犯似不和分別後萬  
物各正其所却是和不和生於不義義則無不和和  
則無不利矣○貞者事之幹伊川說貞字只以爲正  
恐未足以盡貞之義須是說正而固○貞取以配冬

者以其固也孟子以知斯二者弗去爲智之實弗去  
乃貞固之意○文王本說元亨利貞爲大亨利貞夫  
子以爲四德故曰元亨利貞譬諸穀可見穀之生萌  
芽是元苗是亨穰是利成實是貞穀之實又復能生  
循環無窮○元亨利貞理也有這四段氣也有這四  
段理便在氣中兩箇不會相離○元亨利貞無斷處  
貞了又元今日子時前便是昨日亥時○溫底是元  
熱底是亨涼底是利寒底是貞○以天道言之爲死  
亨利貞以四時言之爲春夏秋冬以人道言之爲仁  
義禮智以氣候言之爲溫涼燥濕以方言之爲東西

南北○乾元萬物資始坤元萬物資生元者天地生  
物之端元者生意亨則生意之長利則生意之遂貞  
則生意之成以上皆總論四德之義也又程子曰四  
德之元猶五常之仁偏言則一事專言則包四者又  
曰萬物之生意最可觀此元者善之長也斯所謂仁  
也朱子曰元只是初底意思如木之萌如草之芽在  
人則惻然有隱是也又曰要理會得仁當就初處看  
故元亨利貞而元爲四德之首春夏秋冬而春爲四  
歲之首由是而爲夏由是而爲秋爲冬皆自此生出  
所以謂仁包四德者只緣四箇是一箇以元亨利貞

言之只是一箇元却有元之元元之亨元之利元之  
貞上四箇元字便是包四德下一箇元字便是主一  
事又有亨之元利之元貞之元曉得此意則仁包四  
者尤明白亨之元者夏四月初是也利之元者秋七  
月初是也貞之元者冬十月初是也程先生亦謂觀  
雞雛可以見仁者亦是看其初生意思也又曰樂記  
言易直子諒之心韓詩外傳作慈良却是人之初心  
自是慈愛良善此便是元者善之長如孟子說惻隱  
之心皆是這般心聖賢教人先要求此心正爲是萬  
善之總處又曰性中有此四者聖門却只以求仁爲

急者緣仁却是四者之先若常存得溫厚底意思在  
這裏到宣著發揮時便自然會宣著發揮到剛斷時  
自然剛斷到收斂時自然收斂此仁之所以包四者  
也或問此恐如五行之木若不是先有箇木便亦生  
下面四箇不得曰若無木便無火無火便無土無土  
便無金無金便無水又曰仁字如人釀酒酒方微發  
時帶些溫氣便是仁到發得極熱時便是禮到得熟  
時便是義到得成酒後却與水一般便是智又如一  
日之間蚤間天氣清明便是仁午間極熱便是禮晚  
下漸涼便是義到夜半全然收斂無些形迹便是智

只如此看甚分明或問萬物之生意最可觀此元者善之長也斯所謂仁也此只是先生所謂初之意否曰萬物之生天命流行自始至終無非此理但初生之際淳粹未散尤易見耳只如元亨利貞皆是善而元則爲善之長亨利貞皆在那裏來仁義禮智亦皆善也而仁則爲萬善之首義禮智皆從這裏出耳或問天地生物氣象如溫厚和粹卽天地生物之仁否曰這是從生處說來如所謂大哉乾元萬物資始至哉坤元萬物資生那元字便是生物之仁資始是得其氣資生是成其形到得亨便是彰著利便是結聚

貞便是收斂旣無形迹又須復生至如夜半子時此物雖存猶未動在到寅卯時便生巳午便著申酉便結亥子丑便實及至寅又生他這箇只管運轉一歲有一歲之運一月有一月之運一日有一日之運一時有一時之運雖一息之微亦有四箇段丁恁地運轉但元則是始初未至於著如所謂怵惕隱存於人心自恁惻隱地未至大段發出又曰仁之包四德猶冢宰之統六官又曰得此生意以有生然後有義禮智以先後言之則仁在先以小大言之則仁爲大又曰四時之氣溫涼寒熱涼與寒旣不能生物夏氣



又熱亦非生物之時惟春氣溫厚乃天地生物之心  
 到夏是生氣之長秋是生氣之斂冬是生氣之藏若  
 春無生物之意後面三時都無了此仁之所以包義  
 禮智也又曰  
 言元者仁也仁人心也固  
 有此理然不知仁如何  
 先生曰天下之  
 理原其所自未有不善易傳曰  
 成者也得而後失非得何以有失也

曰當來得之於天者只是箇仁所以為心之本體  
 却自仁中分四界子一界子上是仁之仁一界子上  
 是仁之義一界子上是仁之禮一界子上是仁之智

一个物事四脚撐在裏面惟仁兼統之人心只有  
 此四者萬物萬事皆此中出又曰春生夏長秋收冬  
 藏雖分四時生意未嘗不貫縱霜雪之慘亦是生意  
 凡此又專論元包四德之首也  
 君子體仁足以長人嘉會足以合禮利物足以和義貞  
 固足以幹事  
 以仁為體則無一物不在所愛之中故足以長人嘉  
 其所會則無不合禮使物各得其所利則義無不和  
 貞固者知正之所在而固守之所謂知而弗去者也  
 故足以為事之幹○元亨利貞是一箇道理之大綱

領須時復將來子細研究○元者善之長以下四句說天德之自然君子體仁足以長人以下四句說人事之當然元只是善之長萬物生理皆始於此衆善百行皆統於此故於時為春於人為仁亨是嘉之會嘉美也會猶齊也嘉會衆美之會猶言齊好也春時發生萬物未大故齊到夏洪纖高下各各暢茂其在人則禮儀三百威儀三千事事物物大大小小一齊到恰好處所謂動容周旋皆中禮故於時為夏於人為禮利者為義之和萬物至此各遂其性事理至此無不得宜故於時為秋於人為義貞乃事之幹萬物

至此收斂誠實事理至此無不的正故於時為冬於人為智此天德之自然其在君子所當從事於此者則必體仁乃足以長人云云○體仁與體物相似人在仁裏做骨子故謂之體仁仁是道理須著這工夫始體得他比而效之之說未是○體猶所謂公而以人辭之之辭○處得事事是謂之嘉會一事不是則非嘉會矣○嘉會者嘉其所會一一以禮文節之使之無不中節是嘉其所會也○義者事之宜也利物則合乎事之宜不利物則非義矣○老蘇論此謂慘殺為義必以利和之如武王伐紂是義也若徒義則

言言言  
卷之五  
九  
不足以得天下之心必散財發粟而後可以和其義  
如此則義在利之外分成兩截矣。○義之為義只是  
一箇宜其初則甚嚴如男正位乎外女正位乎內直  
是有內外之辨君尊於上臣卑於下截然不可犯似  
若不和然使之各得其宜則其和也孰大於此只是  
義中便有和既曰利者義之和即說利物足以和義  
蓋不如是不足以和其義。○欲為事而非貞固則植  
位不起。○貞而不固則非貞貞如版築之有幹。○乾  
四德元最重貞次之非元則無以生非貞則無以終  
非終則無以為始不始則不能成終如此循環無窮

周所謂大明終始也。○智所以藏仁義禮惟是知恁地  
方能恁地亦猶元亨利之理藏於貞春生夏長秋成  
之意藏於冬也。○君子行此四德者故曰乾元亨利貞  
非君子之至健無以行此故曰乾元亨利貞。○此一  
節與春秋傳所載穆姜之言不異疑古者已有此語  
乾元者始而亨者也。○始則必亨理勢然也。○利貞者性情也。  
收斂歸藏乃見性情之實。○始而亨是生出去利貞

是收斂聚方見性情○元亨是動發用在外利貞是  
 靜而伏藏於內○性情如言本體元亨是發用處利  
 貞是收斂歸本體處蓋春便生夏便長茂條達秋便  
 有收斂攝聚意思到冬方成○天地之心別無可做  
 只是生物而已謂如一樹春榮夏敷至秋乃實至冬  
 乃成雖有先成實者若未冬便種不成直待受得氣  
 足將欲相離之際將千實來種便是千樹如碩果不  
 食是也方其自小而大各有生意到冬時凝若無生  
 意矣不知却收斂在下每實各具生理便見生生不  
 窮之意

周子曰元亨誠之通利貞誠之復天命之無發復也  
 註見前性命篇○問元亨是春身利貞是秋冬秋各  
 生氣既散何以謂之收斂朱子曰其氣已散收斂者  
 乃其理耳曰冬間地下氣暖便也是氣收斂在內曰  
 上面氣自散了下面暖底乃是生來却不是已散之  
 氣復為生氣○誠之通是造化流行未雨成立之時  
 所謂繼之者善誠之復是萬物已得此理而皆有所  
 歸藏之時所謂成之者性在人則感而遂通者誠之  
 通寂然不動者誠之復○元亨誠之通動也利貞誠  
 之復靜也元者動之端也本乎靜貞者靜之質也著

乎動一動一靜循環無端而貞也者萬物之所以成終而成始者也故人雖不能不動而立人極者必主於靜惟主于靜故其著平動也無不中節而不失其本然之體矣。來書所謂通復二字甚密亦有未切處繼之者善造化流行萬物方資以始而未實也戒之者性物生已實造化與物各藏其用而無所為也在人則感物而動者通也寂然不動者復也以此推之則圖象隱然不待言而喻矣。南軒張氏曰誠通誠復之論其至矣乎聖人與天地同用通而復復而通一往一來至誠之無內外而天命之無終窮也君

子修之所以戒慎恐懼之嚴者正以須臾不在乎是則窒其通迷其復而遏天命之流行故爾此非用力之深者孰能體之也。山陰要來書云也言只是執由來辭云右兼言元亨利貞四德也誠非用也非用也仁義禮智信四德也非用也然也。孟子曰人皆有不忍人之心。以內文外語皆及於世也。朱子曰天地以生物為心而所生之物因各得夫天地生物之心以為心所以人皆有不忍人之心也。先王有不忍人之心斯有不忍人之政矣以不忍人之心行不忍人之政治天下可運之掌上。

言書言  
卷之五  
以言衆人雖有不忍人之心然物欲害之存焉者寡故  
不能察識而推之政事之間惟聖人全體此心隨感  
而應故其所行無非不忍人之政也  
所以謂人皆有不忍人之心者今人乍見孺子將入於  
井皆有怵惕惻隱之心非所以內交於孺子之父母也  
非所以要譽於鄉黨朋友也非惡其聲而然也

乍猶忽也怵惕驚動貌惻傷之切也隱痛之深也卽  
所謂不忍人之心也內結要求聲名也言乍見之時  
便有此心隨見而發非由此三者而然也程子曰滿  
腔子是惻隱之心謝氏曰人須是識其真心方乍見

其孺子入井之時其心怵惕乃真心也非思而得非勉  
而中天理之自然也內交要譽惡其聲而然卽人欲  
搶之私矣  
由是觀之無惻隱之心非人也無羞惡之心非人也無  
辭讓之心非人也無是非之心非人也  
羞恥己之不善也惡憎人之不善也辭解使去己也  
讓推以與人也  
是知其善而以為是也非知其惡而  
以為非也  
人之所以為心不外乎是四者故因論惻  
隱而悉數之言人若無此則不得謂之人所以明其  
心必有也

惻隱之心仁之端也羞惡之心義之端也辭讓之心禮之端也是非之心智之端也  
 惻隱羞惡辭讓是非情也仁義禮智性也心統性情者也端緒也因其情之發而性之本然可得而見猶有物在中而緒見於外也○集義程子曰惻隱屬愛精乃情也非性也因其惻隱此其有仁而然也  
 人之有是四端也猶其有四體也有是四端而自謂不能者自賊者也謂其君不能者賊其君者也

四體四肢人之所必有者也自謂不能者物欲蔽之凡有四端於我者知皆擴而克之矣若火之始然泉之

始達苟能克之足以保四海苟不克之不足以事父母  
 擴推廣之意克滿也四端在我隨處發見知皆即此推廣而克滿其本然之量則其日新又新將有不能自己者矣能由此而遂克之則四海雖遠亦吾度內無難保者不能克之則雖事之至近而不能矣○此章所論人之性情心之體用本然全具而各有條理如此學者於此反求默識而擴克之則天之所以與我者可以無不盡矣程子曰人皆有是心惟君子為能擴而克之不能然者皆自棄也然其克與不克亦在我而已矣又曰四端不言信者既有誠心為四端

則信在其中矣今按四端之信猶五行之土無定位  
無成名無專氣而水火金木無不待是以生者故土  
於四行無不在於四時則寄王焉其理亦猶是也○  
天地生人物須是和氣方生人自和氣中出所以有  
不忍人之心○問滿腔子是惻隱之心曰只是滿這  
軀殼都是惻隱之心纔觸着便是這介出來大感則  
大應小感則小應○仁是根惻隱是萌芽親親仁民  
愛物便是推廣到枝葉處○玉山講義天之生物各  
付一性性非有物只是一个道理之在我者耳故性  
之所以爲體只是仁義禮智信五字天下道理無不

出於此韓文公云人之所以爲性者五其說最爲得  
之却爲後世之言性者多雜佛老而言所以將性字  
作知覺心意看了非聖賢說性字本旨也五者之中  
所謂信者是箇真實無妄底道理如仁義禮智皆真  
實無妄者也故信字更不須說只仁義禮智四字於  
中各有分別不可不辨蓋仁則是箇溫和慈愛底道  
理義則是箇斷制裁割底道理禮則是箇恭敬樽節  
底道理智則是箇分別是非底道理凡此四者具於  
人心乃是性之本體方其未發漠然無形象之可見  
及其發而爲用則仁者爲惻隱義者爲羞惡禮者爲



言書記 卷之五 十五  
恭敬智者爲是非隨事發見各有苗脉不相淆亂所謂情也故孟子曰惻隱之心仁之端也羞惡之心義之端也辭讓之心禮之端也是非之心智之端也謂之端者猶有物在中而不可見必因其端緒發見於外然後可得而尋也蓋一心之中仁義禮智各有界限而其性情體用又自各有分別須是見得分明然後就此四者之中又見得仁義兩字是箇大界限如天地造化四序流行而其實不過於一陰一陽而已於此見得分明然後就此又見得仁字是個生底意思通貫周流於四者之中仁固仁之本體也義則仁

之斷制也禮則仁之節文也智則仁之分別也正如春之生氣貫徹四時春則生之生也夏則生之長地秋則生之收也冬則生之藏也故程子謂四德取元猶五常之仁偏言則一事專言則包四者正謂此也孔子只言仁以其專言者言之也故但言仁而義禮智皆在其中孟子兼言義以其偏言者言之也然亦不是於孔子所言之外添入一箇義字但於一理之中分別出來耳其又兼言禮智亦是如此蓋禮是仁之著智是義之藏而仁之一字未嘗不流行乎四者之中也若論體用亦有两說蓋以仁存於心而義形

於外言之則曰仁人心也義猶路也而以仁義相爲  
體用若以仁對惻隱義對羞惡而言則就其一理之  
中又以未發已發相爲體用若認得熟看得透則玲  
瓏穿穴縱橫顛倒無處不通而日用之間行著習察  
無不是着工夫處矣。○四端說曰性是太極渾然之  
體本不可以名字言但其中含具萬理而綱領之大  
者有四故命之曰仁義禮智孔門未嘗備言至孟子  
而始終備言之者蓋孔子之時性善之理素明雖不  
詳其條而說自具至孟子之時異說蜂起往往以性  
爲不善孟子懼是理之不明而思有以明之苟但曰

渾然全體則恐其爲無星之稱無寸之尺而終不足  
以曉天下於是別而言之界爲四破而四端之說於  
是乎立蓋四端之未發也性雖寂然不動而其中自  
有條理自有間架不是籠侗都無一物所以外邊纔  
感中間便應如赤子入井之事感則仁之理便應而  
惻隱之心於是乎形如過廟過朝之事感則禮之理  
便應而恭敬之心於是乎形蓋由其中間衆理渾具  
各各分明故外邊所遇隨感而應所以四端之發各  
有面貌之不同是以孟子折而爲四以示學者使知  
渾然全體之中而燦然有條如此則性之善可知矣

然四端之未發也所謂渾然全體之理無聲臭之可言無形象之可見何以知其燦然有條若此蓋是理可驗乃就他發處驗得凡物必有本根而後有枝葉見其枝葉而知其必有本根性之理雖無形而端緒之發則可驗故由其惻隱所以必知其有仁由其羞惡所以必知其有義由其恭敬所以必知其有禮由其是非所以必知其有智使其本無是理於內則何以有是端於外所以有是端於外必知有是理在內而不可誣也故孟子言乃若其情則可以為善矣乃所謂善也是則孟子之言性善蓋亦達其情而逆知

之耳仁義禮智既見得他界限分明又須知四者之中仁義是箇對立底關鍵蓋仁仁也而禮者則仁之著義義也而智者則義之藏猶春夏秋冬雖為四時而春夏皆陽之屬也秋冬皆陰之屬也故曰立天之道曰陰與陽立地之道曰柔與剛立人之道曰仁與義是知天地之道不兩則不能以立故端之有四而立者有兩耳仁義雖對立而成兩然仁實貫通乎四者之中蓋偏言則一事專言則包四者故仁者仁之本體禮者仁之節文義者仁之斷制智者仁之分別猶春夏秋冬雖不同而同出於春春則春之生也夏

則春之長也秋則春之收也冬則春之藏也自四而  
兩自兩而一則統之有終會之有元矣故曰五行一  
陰陽陰陽一太極是天地之理固然也仁包四端而  
智居四端之末者蓋冬者藏也所以始萬物而終萬  
物者也智有藏之義焉有始終之義焉且惻隱羞惡  
恭敬是三者皆有可為智但分別其為是為非耳是  
以謂之藏也又惻隱羞惡恭敬皆是一面底道理而  
是非則有兩面既別其所是又別其所非是終始萬  
物之象也故仁義為四端之首而智則能成終成始  
猶元雖四德之長然元不生於元而生於貞蓋天地

之化不翕聚則不能發散理固然也仁智交際之間  
乃萬化之機軸此理循環不窮脗合無間程子所謂  
動靜無端陰陽無始者此也○問仁兼四端意思曰  
上蔡見明道舉史書成誦明道謂其玩物喪志上蔡  
汗流浹背面發赤色明道云此便是惻隱之心且道  
上蔡聞過慚惶自是羞惡之心如何却說惻隱惟是  
有惻隱之心方會動動了始有羞惡有恭敬有是非  
動處便是惻隱若不會動却不成人天地生生之理  
這些動意未嘗止息○惻隱之心首末皆惻隱三者  
則首是惻隱末是羞惡辭讓是非○性不可言所以

言性善者只看他四端之善則可以見其性之善如見其水之清則知其源頭必清矣四端情也性則理也發者情也其本則性也如見影知形之意○仁義禮智本體自無形影要捉摸不着只得將發動處看程子曰因其惻隱知其有仁說得最分明親切也不道惻隱便是仁也不道舍了惻隱別有一箇仁譬如草木因其萌芽知其下而有根也不道萌芽便是又不道舍了萌芽別取一箇根○說仁義便如陰陽說四端便如四時分四端八字便如分八節○問心中湛然清明與天地相流通之是仁否先生云湛然清

明時是仁義禮智統會處令人說仁多把做空洞底看却不得當此時仁義禮智之苗脉已在裏許只是未發動及有箇合親愛底事來便發出惻隱之心有箇可厭惡事來便發出羞惡之心禮智亦然○四端固是良心苟不加存養則發不中節便是私心○或問未發之際不知如何曰未發之際便是中便是敬以直內便是心之本體又問未發之際欲加識別使四者各有落着如何曰如何識別只存得此道理在這裏便恁地涵養將去既熟則其發見自不差○又曰未發之時此心之體寂然不動無可分別只得混

論語精義 卷之三  
三  
泚養將去若必欲其求所謂四者之端則既思便是已發矣。問仁何以能包四者曰人只是這一箇心就這裏面分爲四者且以惻隱論之本只是這惻隱底心遇當辭讓則爲辭讓不安處便爲羞惡分別處便爲是非若無一箇動底醒底在裏面便也不知羞惡不知是非譬如天地只是一箇春氣是發生之心春氣長得過便是夏收斂便是秋消縮盡便是冬明年又從春處起渾然只是一箇發生之氣。問四端之端集注以爲端緒或說端乃尾如何曰以體用言之有體而後有用故端亦可謂之尾若以終始言之

入則四端是始發處故亦可以端緒言之。二說各有所正指自不相礙也。四端乃孔子所未發人只道孟子有闢揚墨之功不知他就人心上發明大功如此闢揚墨是打邊境之功發明四端乃安社稷之功。四者皆我所固有其初發也毫毛如也及推廣將去克卦滿其量則廣大無窮。問人心陷溺之从四端蔽於孟利欲之私初用功亦未免間斷曰固是然義理之心纔勝則利欲之念便消如惻隱之心勝則殘虐之意自消羞惡之心勝則貪冒無耻之意自消恭敬之心勝則驕惰之意自消是非之心勝則含胡苟且頑冥

昏繆之意自消○孟子四端處極好思量玩味只反  
 身而自驗其明昧深淺如何○惻隱之心仁也羞惡  
 之心義也見前性命篇當與此章參觀  
 孟子曰矢人豈不仁於函人哉矢人惟恐不傷人函人  
 惟恐傷人巫匠亦然故術不可不慎也  
 朱子曰函甲也惻隱之心人皆有之是矢人之心本  
 非不如函人之仁也巫者為人所祝利人之生匠者  
 作為棺槨利人之死  
 孔子曰里仁為美擇不處仁焉得智夫仁天之尊爵也  
 人之安宅也莫之禦而不仁是不智也

里有仁厚之俗者猶以為美人擇所以自處而不於  
 仁安得為智乎此孔子之言也仁義禮智皆天所與  
 之良貴而仁者天地生物之心得之最先而兼統四  
 者所謂元者善之長也故曰尊爵在人則為本心全  
 體之德有天理自然之安無人欲陷溺之危人當常  
 在其中而不可須臾離者也故曰安宅此又孟子釋  
 孔子之意以為仁道之大如此而自不為之豈非不  
 智之甚乎  
 不仁不智無禮無義人役也人役而耻為役由亏人而  
 耻為亏人而耻為矢也

以不仁故不智不智故不知禮義之所在  
如恥之莫如為仁

此亦因人愧耻之心而引之使志於仁也不言智禮

孟義者仁該全體能為仁則三者在其中矣

仁者如射射者正已而後發發而不中不怨勝已者反

求諸已而已矣

為仁由已而由人乎哉○南軒張氏曰矢人與函人

巫與匠俱人也而俱所欲之異者以其操術然也噫

孔夫人自處於不仁為忌忮為殘忍至於嗜殺從而不

人顧夫豈獨異於人哉惟其所處每在乎以欲之中安

安習滋長以至於此其性本同而其習有霄壤之異

可不畏歟

孟子曰仁之實事親是也義之實從兄是也

朱子曰仁主於愛而愛莫切於事親義主於敬而敬

莫先於從兄故仁義之道其用至廣而其實不越於

事親從兄之間蓋良心之發最為切近而精實者有

子以孝弟為為仁之本其意亦猶此也

智之實知斯二者弗去是也禮之實節文斯二者是也

樂之實樂斯二者樂則生矣生則惡可已也惡可已則

不知足之蹈之手之舞之



詩言詩  
卷之五  
三  
斯二者指事親從兄而言知而弗去則見之明而守  
之固矣節文謂品節文章樂則生矣謂和順從容無  
所勉強事親從兄之意油然而生如草木之有生意  
也既有生意則其暢茂條達自有不可遏者所謂惡  
可已也其又盛則至於手舞足蹈而不自知矣。此  
章言事親從兄良心真切天下之道皆原於此然必  
知之明而守之固然後節之密而樂之深也。○南軒  
張氏曰仁義具於人之性而其實則見於事親從兄  
之間蓋仁故能愛愛莫大於愛親義者宜也宜之所  
施莫宜於從兄也擴而克之仁義蓋不可勝用而實

事親從兄之心也故知者知此弗去者也禮者節文  
也此者地樂者樂此者也豈有外此者哉知必云弗去  
者蓋曰知之而有時乎去之非真知至也知之至則  
弗肯去之矣有其禮斯有其節有其實斯有其文凡  
三千二百皆所以節文乎此者也有以節文則內外  
進矣至於樂則非自得之深涵養之熟者無此味也  
中樂則生矣生不息之道蓋其中心油然而不自知其  
然也生則惡可已言其自不可已則手之所舞足之  
所蹈莫非是矣至此則仁義之心粹然於內而周流  
乎事事物物之間矣

孟子曰廣土衆民君子欲之所樂不存焉

朱子曰地闢民聚澤可遠施故君子欲之然未足以

爲樂也

中天下而立定四海之民君子樂之所性不存焉

其道大行無一夫不被其澤故君子樂之然其所得

于天者則不在是也

君子所性雖大行不加焉雖窮居不損焉分定故也

分者所得於天之全體故不以窮達而有異

君子所性仁義禮智根於心其生色也晬然見於面盎

於背施於四體四體不言而喻

上言所性之分與所欲所樂不同此乃信其蘊也

義禮智性之四德也根本也生發見也晬然清和潤

澤之貌盎豐厚盈溢之意施於四體謂見於動作威

儀之間也喻曉也四體不言而喻言四體不待吾言

而自能曉吾意也蓋氣稟清明無物欲之累則性之

四德根本於心其積之盛則發而著見於外者不待

言而無不順也程子曰晬面盎背積盛所致然四

體不言而喻唯有德者能之。行道固君子之所樂

但其用其舍於我之性分本不相關進而大行退而

窮居於我性分之内初無加損。問君子所性曰此

是說生來承受之性仁義禮智根於心便見得四端  
 著在心上相離不得纔有些子私意便剝斷了那根  
 便無生意其色粹然都從那根上發出來性字從心  
 見得先有這心便有許多道理在裏○四體不言而  
 喻若曰不待安排而自然中節耳○南軒張氏曰四  
 者具於性而根於心猶木之著本水之發源由是而  
 生生不息焉仁義禮智根於心而生色於外克盛著  
 見自不可揜故其粹然之和見於面盎於背施於四  
 君體四體不言而喻涵養擴克積久而熟天理融會動  
 於容周旋無非此理而内外一也不言而喻言其自然

由於此而無待防檢再問之其所以長正者由  
 董子曰仁義禮智信五常之道王者所宜修飭也  
 問此因武帝何修何飭之問而言其意雖甚正惜其剖  
 析未明使帝知若何而為仁若何而為義其修飭之  
 方又孰先孰後也其後帝策公孫弘問仁義禮智四  
 者之宜當安設施而弘之對乃曰仁者愛也義者宜  
 性也禮者所履也智者術之源也致利除害兼愛無私  
 謂之仁明是非立可否謂之義進退有度尊卑有分  
 謂之禮擅殺生之柄通壅塞之塗權輕重之數論得  
 復失之道遠近情偽必見於上謂之術凡此四者治之

本道之用也皆當設施不可廢也弘於仁義禮皆指用以為體既不足以明義理之源而智之一字則直以術言之其為人主心術之害尤大且四者即道也而曰道之用不知何者復為道之躡乎大抵後世之言道者往往指以為虛無之物而不知其為至實之理故其舛謬如此弘不足責也愚獨以剖析未明為仲舒惜云

周子曰誠無為幾善惡德陵曰仁宜曰義理曰禮通曰智守曰信

朱子曰道之得於身者謂之德其別有是五者之用

而因以名其辭焉誠即太極幾者陰陽之象五者五行之性也○當寂然不動時便是誠無為有感而動即有善惡幾是動處大凡人性不能不動但要頓放得是於其所動處頓放得是時便是德陵曰仁宜曰義頓放得不是時便一切反是人性豈能不動但須於中分得天理人欲時方是

性焉安焉之謂聖

性者獨得於天安者本全於己聖者大而化之之稱不待學問強勉而誠無不立幾無不明德無不備也者復焉執焉之謂賢

復者反而至之執者保而持之賢者才德過人之稱  
此思誠研幾以成其德而能守之者也  
發微不可見克周不可窮之謂神  
發之微妙而不可見克之周徧而不可窮則聖人之  
妙用而不可知者也。幾者動之微是欲動未動之  
間便有善惡須就這處理會若至于發著之甚則亦  
不濟事矣所以聖賢說戒慎乎其所不睹恐懼乎其  
所不聞蓋幾微之際大是切要。誠是實理無所作  
爲便是天命之謂性喜怒哀樂未發之謂中幾者動  
之微微動之初是非善惡於此可見一念之生不是

善便是惡德者有此五者而已仁義禮智信者德之  
體曰愛曰直曰理曰通曰守者德之用。幾善幾惡  
便是心之所發處有个善有个惡德便只是善底爲  
聖爲賢只是這材料做。問旣言誠無爲恐其下未  
可便着善惡字先生曰當其未感五性具備豈有不  
善及其應事纔有照管不到處這便見惡古之聖賢  
戰戰兢兢過了一生正謂此也顏子有不善未嘗不  
知亦是如此。通書多說幾太極圖却不說曰五性  
感動動而未分者是直卿云主靜番幾謹動三者循  
環與孟子夜氣旦晝所爲相似。問周子曰誠無爲

言言言  
卷之五  
幾善惡此明人心未發之體而指其已發之端蓋欲  
學者致察於萌動之微知所決擇而去取之以不失  
乎本心之體而已或疑之以謂有類於胡子同體異  
用之云者遂妄以意揣量爲圖如后善惡雖相對當  
分賓主天理人欲雖分派必有宗孽自誠之動而之  
善則如木之自本而幹自幹而未上下相達者則道  
心之發見天理之流行此心之本主而誠之正宗也  
其或旁榮側秀若寄生疣贅者此雖亦誠之動則人  
心之發見而私欲之流行所謂惡也非心之固有蓋  
客寓也非誠之正宗蓋庶孽也苟決之不早擇之不

五精則客或乘主孽或代宗矣學者能於萌動幾微之  
間而察其所發之向背凡其直出者爲天理旁出者  
爲人欲直出者爲善旁出者爲惡直出者固有旁出  
者橫生直出者有本旁出者無源直出者順旁出者  
逆直出者正旁出者邪而吾於直出者利導之旁出  
者遏絕之切力既至則此心之發自然出於一途而  
保有天命矣於此可以見未發之前有善無惡而程  
子所謂不是性中元有此兩物相對而出者蓋謂此  
也若以善惡爲東西相對彼此角立則是天理人欲  
同出一源未發之前已具此兩端所謂天命之性亦

甚汗雜矣此胡氏同體異用之說也先生曰此說得之而圖有病今已略改正矣

此明 此證論亦由惡幾

周子誠幾善幾胡子誠幾

之意 之意 善幾

動而正曰道

動之所以正以其合乎衆所共由之道也

用而和曰德

用之所以和以其得道於身而無所待於外也

匪仁匪義匪禮匪智匪信悉邪也

不所謂道者五常而已非此則其動也邪矣

邪動辱也甚焉害他

豈無得於道則其用不和矣

故君子慎動

動必以正則和在其中矣○動而得其正理便是道

若動而不正則不是道和亦只是順理用而和順也

便是得此理於身若用而不和順則此理不得於身

故下云匪仁匪義匪禮匪智匪信悉邪也只是此理

故又曰君子慎動

聖人之道仁義中正而已矣

朱子曰中即禮正即智圖解備矣

守之貴

天德在我何貴如之

行之利

順理而行何往不利

廓之配天地

姑克其本然並立之全體而已矣

豈不簡易豈為難知

非道體本然故易簡人所固有故易知

不守不行不廓耳

言為之則是而歎學者自失其幾也

十室之邑人人提耳而教且不及况天下之廣兆民之

衆哉曰純其心而祀矣

朱子曰純者不雜之謂心謂人君之心

仁義禮智四者動靜言貌視聽無違之謂純

仁義禮智五行之德也動靜陰陽之用而言貌視聽

五行之事也德不言信事不言思者欲其不違則固

以思為主而必求四者之實矣

程子曰孟子以四端為四體仁木之氣象也惻隱之心

春之氣象也羞惡秋之氣象也推之四端皆然



其全文云上取諸身百理具備背在上故為陽胸在  
 下故為陰天有五行人有五藏心火也着些天地間  
 風氣乘之便須發燥肝木也着些天地間風氣乘之  
 便須發怒推之五藏皆然孟子將四端便為四體仁  
 便是箇木氣象惻隱之心便是一箇生物春底氣象  
 羞惡之心便是一箇秋底氣象只有箇斷割底氣  
 象便是義也推之四端皆然此箇事又着箇甚安排  
 得也此箇道理雖牛馬血氣之類亦然都恁備具只  
 十是流形不同各隨形氣後便昏了祂氣如哥愛其母  
 母愛其子亦有木底氣象又豈無羞惡之心如避害

就利別所愛惡此理完更如獼猴尤似以故於獸  
 中最高為智巧童昏之人見解不及者多矣然而為人  
 氣最精可以輔相裁成天地設位聖人成能直行乎  
 天地之中所以為三才也此言之日言日言地不然而  
 凡有血氣之類者皆具五常但不知克而已矣  
 仁義禮智信五者性也仁者全體四者四肢仁體也義  
 宜也禮別也智知也信實也仁者公也人此者也義者  
 宜也權量輕重之極禮者別也定分信者有此者也萬  
 物皆有性此五常性也若夫惻隱之類皆情也凡動者  
 謂之情性者自然完具信只是有此故四端不言信

張子曰仁統天下之善禮嘉天下之會義公天下之利  
 信一天下之動  
 立不得義則不行不得禮則不立不得信則不能守此  
 致一之道也  
 朱子曰程子所謂性中只有仁義禮智曷嘗有孝弟來  
 蓋父子之親兄弟之愛在性中只謂之仁君臣之分朋  
 友之交在性中只謂之義推此言之曰禮曰智無不然  
 者蓋天地萬物之理無不出於此四者  
 仁義禮智自天之在人便有此四者  
 指鑪而言曰如此鑪便自有此四角天有四時地有

四方日有日  
 昏夜天下道理千枝萬葉千緒萬端  
 都是這四者做出來四者之用自各有許多模樣  
 元亨利貞仁義禮智金木水火春夏秋冬以此四者時  
 時涵泳其味無窮  
 本語云以此四者時時涵泳玩味儘好  
 仁義禮智性之大目皆是形而上者  
 形上從仁義禮智中出  
 惻隱之心仁也愛父母愛兄弟愛鄉黨愛朋友故舊各  
 有等差即義也禮亦然  
 其全文云仁是發出來底及至發出來有截然不可

張亂處便是義如水流動處是性流爲江河匯爲池沼  
有便是義如惻隱之心是仁愛父母愛兄弟愛鄉黨愛  
朋友故舊有許多等差便是義且如敬只是一箇敬  
致君敬長敬賢便有許多般樣禮也只是如此如天子  
七廟諸侯五廟大夫三適士二這便是禮其或七或  
五或二或一之不同便是義禮是理之節文義是理  
却之所宜處呂與叔說天命之謂性云自斬至總喪服  
之異等而九族之情無所憾自王公至皂隸儀章異制  
仁而上下之分莫敢爭自是天性合如此一室有牀房  
父子到得父各慈其子子各孝其父而人不嫌者是

兼合如此其慈其孝便是仁各親其親各子其子這箇  
大理義這箇各事離不得流出來便是仁一勤儀禮  
雖智便隨在這裏不是要仁使時義却留在後面少間  
放出來其實一箇道理論着界分便有許多分別按  
此云仁是發出來底蓋持其用而言仁禮智四者兼舉  
仁字專言之則混然而難名必以仁義禮智四者兼舉  
而並觀則其意味情狀互相形比乃爲易見蓋人之性  
皆出於天而天之氣化必以五行爲用故仁義禮智信  
之性卽水火金木土之理也木仁金義火禮水智各有  
所主獨土無位而爲四行之實故信亦無位而爲四德


之實也仁義禮智信同具於性而其體渾然莫得而見  
 至於遇物而動然後見其惻隱羞惡辭讓是非之用而  
 仁義禮智之端於此形焉乃所謂情而程子以謂陽氣  
 發處者此也但此四者同在一處之中而仁乃生物之  
 主故雖居四者之一而四者不能外焉此易傳所以有  
 偏言則一事專言則包四者之說固非獨以仁為性之  
 統體而謂三者必已發而後見也大抵仁義禮智性也  
 惻隱羞惡辭讓是非情也心則統乎性情者也以此觀  
 之則區域分別而不害其同脉絡貫通而不害其別庶  
 乎其得之矣

張無垢謂當惻隱時體其仁朱子曰孟子論四端只欲  
 人擴而克之則仁義禮智不可勝用不言當此之時別  
 起一念以體其為何物也

下云無垢此言猶是禪學意思只要想像認得此箇  
 精靈而不求之踐履之實若曰一面擴克一面體認  
 是一心而兩用之亦不勝其煩且擾矣

朱子曰健順之體即性也合而言之則曰健順分而言  
 之則曰仁義禮智仁禮健而義智順也  
 李貫之曰天之運五行其實陰陽而已以人之性五常  
 其實健順而已仁之油然生意不可遏禮之燦然明

晰不可亂健之為也義不拂夫可否之宜智不昧夫  
 是非之別順之為也若夫信則體是理而不揚者健  
 也循是理而無所違者順也勉齊黃氏以為此義極  
 未精命辭尤確故附於此合而言之順曰勉則勉而  
 未敢言公右兼言仁義禮智信勉且勉勉勉勉勉勉



西山先生真文忠公讀書記卷之五終  
 文正公

